

DEUS uertat bene!

Consensu Magnifici Domini Rectoris,

Atq;

Permissu Amplissimi Medicorum Ordinis
in illustri Academia Batava,

DISSERTATIONEM MEDICAM

De

ARTHRITIDE,

SUB PRÆSIDIO

VIRI

Nobilissimi, Excellentissimi, atq; Experientissimi,

DN. CAROLI DRELINCURTII,

L. A. M. Phil. & Med. Doct. Christianissimi Regis Consilarii & Medici Or-
dinarii, nec non G. M. Principis de Turenna quondam Ἀρχίατρος felicis-
simi; nunc in Universitate Præpot. Ord. Holl. atq; Westfr.

Professoris Practici & Anatomici celeberrimi,
atq; dexterrimi,

Domini Præceptoris, Patroni, Promotoris nullô non honoris
ac observantiæ cultu jugiter devenerandi,

Publico Φιλικῶν Examinī

In Auditorio Medico, horisq; solitis,

Ad diem XV. Julii Anni τῆς χριστογονίας M. DC. LXXXI.

Subjiciet, & respondendo defendere conabitur

Autor

BARTHOLOMÆUS TOBIAS SEIBTIUS,

Gorl. Hexap.

LUGDUNI Batavorum & BUDISSINI,
Literis ELZEVIERIANIS & RICHTERIANIS,
M. DC. LXXXIV.

Homo miraculum mundi, ac deliciae orbis terrarum, germen immortalitatis, microcosmus, imo megalocosmus, mundi Dominus atq; Magister, * tot tamq; variis obnotius est morbis: ut membrum nullum, nullum articulum in eo reperire possim: qui non suos patiatur affectus, qui non Medicorum requirat opem. Quidam tamen ex illis molestia majori, maioribusq; symptomatibus invadunt: quos proinde præ aliis diligentissime esse considerandos, quivis facile intelligit. Inter hos autem non ultimum obtinet locum affectus ille gravis, commiseratione dignus, & curatu celebris, qui *Arthritis* nomine apud Practicos venit. Admodum frequens ille est: maxima mala, maximosq; dolores corpori inducit. Propterea gravem hunc affectum attentius examinandum, & de ejus *Historia, Causis, Curatione*, pro ingenio mei tenuitate, pauca proponere, Philiatrorumq. censuræ subicere decrevi.

* Athan. Kirch.

§. II. Ne verò in limine illico offendam: & quod Luciano in ore, αἰθιόπα συγχώμεν: primò omnium in vocis incunabula inquiram, necesse est. Cum non modo Medicorum Pythagoram, (sicuti Scaligero exerc. 141. dist. 4. de subtil. vocatur) Galenum lib. 3 simpl. med. conturbatum vocum usum & rerum ipsarum cognitionem conturbare, doctè edifferenter percipio: sed etiam μέγα θαῦμα illud, Jul. Cæs. Scaligerum, hisce verbis illi adstipulantem ego: quando exerc. 359 ait: A nominibus esse auspicandum, quidque ἐν τῇ φωνῇ ἐστὶ τῶν ἐν ψυχῇ παθημάτων σύμβολα, teste Philosopho.

§. III. Illi tamen voci investigandæ non talem impendo operam, qualem amant: qui circa omnium vocum nomenclaturam scrupulosius versantes existimant: aut dari primam originem, aut si non suppetat saltem fingendam, aut extorqvendam esse. Qui proinde id magnò conatu agentes, magnas interdum (ut cum

Comico loqvar) nugas agunt, tam lepida figmenta, talia, inquam, somnia cadunt ex suo Jovis cerebro: qvalia vix visa iis, qui in Parnasso somniâsse sibi sunt persuasi. Quibus non immeritò illum versum Homericum accommodare possim:

πρῶτ' ἐλέων, ὅππῃ δὲ δράκων μέσση χύμαρα:

aut illud monstrum, qvòd Ausonius his depingit versibus:

Terruit Aoniam volucris, leo, virgo triformis

Sphynx: volucris pennis, pedibus fera, fronte puella.

Interdum scilicet

Parturiunt montes, nascitur ridiculus mus.

§. IV. Ego cum ab hac hæresi longissimè absum: nec ingenio qvicquam valeam, qvòd lepidis illis fabulis ostentare videntur, manum de tabula: ne risum & misericordiam potius, quàm calculum apud Cordatos merear: si quis tamen *eam* heic desiderat, ille sciat: ἀρθρῶν ἄρθρων *Arthritidem* Græcis dici, & â loco affecto, uti cuilibet â limine Medicorum Musas modò salutanti, haud incognitum esse potest, nomen accepisse; non tam ossium compagem, unionem, extremitatesq; intelligendo; quàm partes ipsum articulum conjungentes & ambientes: nimirum membranas, ligamenta membranosa, extremitatesq; musculorum, partibusq; his insertos nervos. Plinio lib. 22. c. 35. lib. 23. c. 1. tumor articuli dolorificus, articularius & articulans morbus: & Aret. lib. 2. c. 12. de Chron. morb. signis ζυνὸς ἀπάντων ἄρθρων πόνος, omnium articulorum dolor dicitur.

§. V. Barbari malum hoc *guttam*, sed minus rectè appellant. Medicus quidem ille Veronensis, Franciscus India de gutt. pod. lib. 1. c. 1. nomen *gutta* barbarum esse negat, & qvòd fit veluti genericum omnium ægritudinum nomen: quæ per destillationem in articulis pedum, manuum, coxarum, similiumq; corporis partium producuntur: ideoq; *gutta* nomen generis nomen mereri. Verum opinionem hanc qvòd attinet, vocabulum quidem Latinum non barbarum esse fateor: sed id pro *fluxione*, *catarrho*, aut *arthritide* usurpare velle, contra lingvæ Latinæ usum est: & proinde meritò Barbaris accensetur, qui id pro *Arthritide* usurpat.

aut

aut vocabulo *Arthritidis* præfert. Licet arte medicâ Celeberr. Galenus 6. aphor. 28. scribat: Ferè omnes, qvi arthritica affectio-
ne corripuntur, fieri podagricos: non tamen eô probatur: ar-
thritidis nomen omnium articulorum dolori non convenire.

§. VI. Rectius longè Gvainerius de ægritud. junct. c. 1. inquit: Ego, cum *artbeticam* (ita enim seculi ejus Medici ob lingvæ Græcæ ignorantiam morbum hunc appellabant) ab artu vel articulo no-
men traxisse videam, qvibus in locis dolores juncturarum fiunt; omnes tales five cum tumore, five non, artheticos appellare vo-
lui: qvod etiam Veteres omnes fecerunt.

§. VII. Heic notandum, qvamvis *Podagra* vocabulum pro-
priè *pedum dolorem* denotet; interdum tamen, ut etiam Crato con-
sil. 253. confitetur, ab uno membro desumta appellatione, pro
omni arthritide accipitur. Hinc qvoqve tractatum suum, qvi est
de *Arthritide*, Lucianus *Tragopodagram* inscripsit. Itaq; qvi de po-
dagræ laude scripserunt Cardanus & alii, qvi in Amphitheatro Sap.
Socr. Joco seriæ Casp. Dornavii Ph. & Med. Doctoris, videri pos-
sunt, omnes de Arthritide in genere egisse videntur: imò Medico-
rum qvidam, qvi propriè agunt de *artbritide*, tractatus suos de
Podagra inscripserunt.

§. VIII. Germani nonnulli morbum hunc vocant *der Herren
oder reichen Leute Krankheit*: qvia, ut putant, raro compertum
habetur, pauperes & mendicos arthritide laborasse: unde arthri-
tis qvoq; *ἡ ἀμιστία* i. e. *pauperes odio habens* nominatur: & in
fabula est apud Jov. Pontanum lib. 5. de serm. c. 1. podagram ali-
quando peregrinantem in rusculum devenisse: atq; cum ibi casu-
los inertissimè ædificatas, squalidasq; situ, & nihil præter marras,
bidentes, rastros & alia rustica vidisset instrumenta, hospitium hoc
aversatum fuisse, & in urbe hospitium qvæsivisse. Delatam vero
in urbem, ad primum ingressum in officinam fabri ferrarii incidis-
se, & illam qvoq; ut sibi incommodam, præteriisse: tandem cum
in urbe progressa, ad domum qvandam pervenisset, ante cujus ve-
stibulum choreæ agitabantur atq; convivia, interrogasse, cujus
ædes essent? & cum responsum accepisset, eas Otii esse, inhabita-

riq; ab hominibus defidiosis, fomnô & vinô macerantibus, è vestigio domum ingressam dixisse: Hæc domus, hæc patria est.

§. IX. Quidquid sit, morbus hicce rectius à *Belgis* vocatur, *bet flerecyn, de Poetjens*, vel *Germanicè* das Glieder-Weh/ die Glieder-Sucht/ das Zipperlein der Gelenke. Experientia enim, rerum omnium Magistra testatur: multos pauperrimæ sortis homines arthritide laborare. Hoc quoq; observavit Medicus quidam Iglovix in Moravia: non modò lautioris fortunæ homines qui vina bibunt, sed & pauperes, qui vinum vix gustârunt, arthritidi esse obnoxios. Itali per vocabulum *la Gotta*, Galli *la Goutte* exprimunt.

§. X. Verum enim verò ne nimis diu vocabulorum etymologiæ inhæream: deq; ista, utpote parùm ad rhombum faciente, valdè sollicitus sim: rem ipsam potius sum aggressurus, dicens: *Arthritidem* esse dolorem articulorum, ortum ex affluxu humoris excrementitii, partes nervosas nec non membranosas per intervalla affligentis, cum tumore, motu voluntario impedito, etiam calore non rarò febrili. Generis locò posui dolorem: quamvis supra citatus Franc. India eos reprehendat, qui per dolorem arthritidem definiunt: sed ille crassam committit errorem: dum malum hoc per defluxionem definit. Arthritis enim defluxus non est, sed ex defluxu generatur. Vid. Sennerti Tr. de arth. c. 1, p. 6. Neq; enim commodè, ut alii volunt, per tumorem arthritis semper definiri potest: cum sæpè nullus tumor evidens in partibus externis appareat.

§. XI. Dolor autem ille est vel universalis, vel particularis. Universalis occupat aut omnes, aut quamplurimos totius corporis articulos. Particularis verò certa quædam membra invadit: undè pro illorum diversitate, diversa sortitur nomina. Qui enim manus afficit, chiragra; qui coxendicem Ischias; qui genua, gonagra; qui pedes excruciat, podagra appellatur. Unde Aretæus l. c. ἀλλὰ ποδάων μὲν ποδάγρην καλεομένην δὲ ἰχίων, χειρῶν δὲ χειρῶν. Plura talia vocabula finxerunt quidam, & inter eos Ambrosius Paræus de arthritide c. 1. si malum in maxillæ articulo fuerit, Syagonagram; si in cervice, trachleagram; si in spina dorsi, rachisagram; si in

in humere, homagram; si in cubito, pechiagram nominat. Verum vocabula illa apud Græcos non occurrunt, nec usu trita sunt.

§. XII. Nonnulli etiam dolorem illum, qui est in dentibus, ad arthridem referunt. Joh. Steph. Strobelbergerus integrum librum de dentium podagra scripsit. Quod tamen nihil aliud est, quam vocabulis ludere: ac si vellem hepatis inflammationem, pleuritidem vocare. Capivaccius meminit cujusdam: qui in latere podagricô laborabat dolore: ob quem æger diu tergo jace- re coactus est: nec latera movere potuit. Magnus Sennertus l. c. de quodam podagrigo refert; eum in pene gravissimum per- cepisse dolorem. Adhuc alii ad arthritidem referunt eum affe- ctum, qui Arabibus Nakir dicitur, quem Albucasis lib. 2. cap. 93. ita describit: Ægritudo hæc in terra nostra vocatur Nakir: & est dolor, qui accidit in quibusdam membris, deinde permutatur de membro ad membrum. Verum non omnes dolores debent vo- cari podagrici: sed ii solummodo, qui in articulis fiunt.

§. XIII. Mentagra etiam, cujus Plinius lib. 26. c. 1. mentionem facit, nihil commercii habet cum hoc affectu: cum sit fœda quæ- lam faciei scabies: quæ primum Tiberii Claudii Cæsaris medio principatu, ut Plinius ait, in Italiam irrepsit: quôdam Perusino Equite Romano quæstorio scribâ, cum in Asia apparuisset, inde contagionem ejus importante. Non possum, quin heic etiam biter moneam: cum vox *ποδάγρε* componatur ex *πόδος*, & *άγρε*, non *άγρε* potius *mordacissimum serpentem*, quam *capturam*, ut mul- ti volunt, significet? cum dolores illi podagrici sint acutissimi, ac â mordacissimô verme, seu serpente, inferrentur: quô nomine etiam vulgò Demosthenem vocabant, scurrilem quandam mor- acitatem in eo notantes, vid. Lamb. ad Od. 19. l. 2. Horatii.

§. XIV. Dolor autem cum symptoma fit; Symptoma verò â orbo, tanquam causâ suâ dependeat; omnisq; dolor â duobus orborum generibus producat, intemperie scilicet cum vehe- mentia agente, & unitatis solutione, vel ab utroq;: jam porrò vi- dendum: an ab intemperie sola, eaq; simplici, vel cum materia, & â sola unitatis solutione, vel ab utroq;, dolor suum ducat ortû?

Sola

Sola simplex intemperies, etsi articulos ad arthritidem generandam disponere & aptos reddere possit: ut promptè materiam recipiant: tamen per se arthriticum dolorem nunquam producere potest: quamvis hoc demonstrare vult Godofredus Steeghiius med. pract. lib. 13. c. 12. Verùm dum in eo laborat, ipse non animadvertit: se non de sola simplici intemperie loqui, sed de tali, quæ partes contrahit, divellit, mordicat. Dum enim primarum qualitatum causandi vult rationem ostendere: in hæc erumpit verba: Scimus ficcitatem contrahendo partes continuas divellere, calorem tum per ficcitatem *corrugando*, tum *mordicando*, frigus etiam esse mordax, & constringendo, unas ab aliis distrahere. Quis non videt? hanc agendi vim, dum simplici intemperiei tribuere fatagit, simul iis adjungere & in auxilium vocare *unitatis solutionem*.

§. XV. Nec ea intemperies, cui materia est juncta, per se hunc dolorem creare potest. *Tumor* enim ut talis, *dolorem* non gignit: alioquin omnis tumor haberet dolorem comitem, quod falsum. Nec sola unitatis solutio arthriticum generat dolorem: cum in foro Medico ille demùm dolor verè arthriticus sit: qui à *Causa interna* & quidem ex intemperie, vel materiæ affluxu, juncta partium dissolutione, ortum trahit. Ubi itaq; intemperies, illud imprimis, quæ est cum materia, eâ ratione agit in articulos: ut earum partes membranas & nervosas divellat aut comprimat & vellicet: dolorem oriri necesse est.

§. XVI. Duo igitur morborum genera, ad arthritidem procreandam concurrunt, *intemperies* nempe & *unitatis solutio*. Quænâ materia proxima hunc dolorem pariat, adhuc est controversum. Nonnulli enim ex omnibus humoribus, etiam ex sanguine, hunc affectum ortum ducere putant: à qua sententia haud alienus esse videtur divinus Senex noster Hippocrates, cum aph. 19. lib. 6. statuit: In morbis podagricis esse *φλεγμονήν*: *φλεγμονή* autem ex sanguine oritur.

§. XVII. Eloquentissimus ille Orator, & Medicus solertissimus Johannes Fernelius, pituitosum solum & serosum humorē hujus

hujus mali causam esse existimat. Ita enim lib. 6. de part. morb. & ymt. c. 18. scribit: Neq; humor hic, continens arthritidis causam, varius atq; traditur existit: nec enim sanguineus, nec biliosus, nec melancholicus unquam est: sed omnino vel pituitosus, vel serosus: perperamq; arthritidis differentiae ex humoris genere statui solent: ut alia calida, alia frigida sit: sed omnis frigida est, ex frigido humore genita. Quod si rubor aut calor interdum, maximèq; in *cbiragra* vel *podagra* cernitur: is non ex morbi essentia sed ex *vebementia* fit *doloris*: qui ruborem caloremq;, nonnunquam & febrem arcessit: quæ potissimum iis eveniunt, qui constitutionem corporis obtinent impensè calidam, atq; plethoricā, & qui levi occasione feбри jactantur. Hic igitur frigidus humor, & tenuis, articulorum vincula, membranas aut tendines implens & distendens, aut feriens, dolorem infert: dolor verò, si corpus reparatum jam est, ruborem, calorem, atq; febrem: quæ distendentis aut ferientis humoris sunt symptomata. Talis est ratione artisq; usu comprobata sententia de arthritidis continente causa.

§. XVIII. Serosum modò humorem arthritidis causam esse, Carolus Piso in lib. de morb. ex serosa illuvie ortis, asserit: Valesius de Taranta, in philonio pharmaceutico c. 20. & Antonius Gvainerius com. de ægritud. junctar. c. 2. præter humorum affluxum, etiam flatus, cavitates juncturarum replentes, & nervos & choras (sunt verba Gvainerii) atq; lacertos extendentes, & quasi quādam extensionem facientes, intensum per sæpè dolorem inducere, statuunt.

§. XIX. Ambrosius Paræus lib. 17. Chir. c. 2. ab his omnibus planè diversam fovet sententiam: nempe arthritidis causam efficientem esse virus quoddam malignum, occultæ & inexplicabilis naturæ. Humor, inquit, qui Arthritidem committit, non noxioris naturæ est, aut magis effabilis, quàm qui pestem, aut luem, & encream, aut epilepsiam facit. Idq; probare conatur aliquot argumentis: & (1) quidem quod planè alterius sit naturæ, quàm qui phlegmonis, erysipelatis aut scirrhi autor est. (2) quod tumores jam commemoratos tumores excitent; cum in partem

aliquam influxerint, ne tum quidem, cum in *pas* vertuntur
tam acrescient dolores, atq; is, qui Arthritidem facit: utpote
cujus dolorifici morsus longè sint acriores, quam ejus, qui cancrum
excitat ulceratum. (3) Quod humores illi, quando alia ex cau
sa in articulos incidunt, haud unquam in nodos abeant: solus ve
rò is, qui arthritidem in articulis facit, postquam eò collapsus fue
rit, tandem in nodosum quid ac veluti gypseum, *nullis remediis expu
gnandum*, induratur: & (4) quod humor hic peculiari qualitate
tantum articulis advesetur. Partibus enim, ait, per quas decur
rit, minimè noxius est; haud magis, quàm materia, quæ, ab infe
rioribus partibus fursùm cerebrum irrepens, epilepsiam facit
simul atq; in articulorum spatia incidit, extremosq; ciet dolores
modò cum caloris, modò cum frigoris sensu. Nonnullos enim
videmus arthriticos: qui sibi dolentes articulos uri dicunt: alios
quibus iidem quâvis glacie frigidiores videntur: sic, ut ex animi
sententia calefieri nequeant. Imò nonnunquam videre licet in
eodem arthritico corpore, dextræ partis articulos veluti dolori
bus extorri; sinistræ verò frigore divexari. Ergò, inquit
modò laudatus Paræus, non à simplici intemperie, (nihil enim
in reliquis, quotquot sunt, tumoribus simul contingit) sed à mal
igna, *occulta* * & *inexplicabili* materiæ *qualitate*, doloris arthritici
acerbitas causam habet.

* Occultæ qualitates sunt ignorantiae Asylum.

§. XX. Verùm cum in arthritide magna deprehenditur do
lorum, tumorum, eorumq; calorum & insultuum, imò curatio
nis varietas, ut à quovis humore, etiam sanguine arthritidem ge
nerari posse concedo: ita omnis æquè proximè & imediatè eum
afficere nego. Sanguis enim intra suos limites naturales se con
tinens, nunquam ullum dolorem, ne dum arthriticum parit. A
ubi in *quantitate* aut *qualitate* peccat, ita ut in ichorem acrem abeat
ut accidit, quando præter modum augetur sanguis, aut viscerum
vitio nimis calidus, & frigidus, aut p. n. humidus & frigidus red
tur, suò ad articulos prolapsu facillimè hunc dolorem excitare
potest.

§. XXI. Neq; alicujus momenti est: quod nonnulli putent sanguinem ideò arthritidem non generare, quod collectus in articulo *Φλεγμασιν* non excitet, in qua fiat ulla *suppuratio*. Causa enim hujus rei est, quando sanguis suis elapsus vasis imediatè fluit ad partem muscolosam, tum demùm dolor calore istius partis in pus mutetur, minimè verò in ichorem resolutus, partibus osseis, membranosis, ex anguibus, & frigidis, in pus converti possit.

§. XXII. Nec pituita sibi relicta, i. e. quamdiu manet *frigida, humida & crassa*, hoc progenerat malum, sua enim natura talis humor ad fluxum, & quidem ad angustos articulorum meatus ineptus est. Unde Reverendus ille Senex, Hippocrates statuit libr. de affection. ex pituita arthritidem generari, illa tamen quæ bilem admixtam habet, ita, ut hæc quasi fiat vehiculum. Idem docet Galenus libro 10. de med. secund. loc. c. 2. ubi p. n. attenuata pituita, acrimoniam & subsedinem contrahit, atq; articulos profluit, certa arthritidis causa est.

§. XXIII. Probabilius est, hunc affectum imediatè magis producere, tum *flava*, tum *nigra bilis*, sive *humor melancholicus*. Cum enim flava bilis per se satis tenuis, fluxilis, acris, mordax ubi ad articulorum cavitates penetrat, eosq; replet, distendit, vellicat, arthritidem inducit. *Melancholicus* autem humor, quoniam constat partibus non modò *crassis & fæculentis*, sed etiam *tenuibus serosisq;*, ut mihi hoc à Dn. Ittigio Med. Lic. Præceptore meo fidelissimo demonstratum, & jamdudum à Platone observatum est, ita enim in Timæo: *ἰχώρ δὲ οὐκ ἔστιν αἷματος ὁρρὸς παρὰ τὸν, ὁ δὲ μελαίνης χυλῆς ὀξείας καὶ ἀγροῦ;* Cruor quidem, qui sanguinis est veluti serum, *tenuis* est ac *mitis*; qui verò bilis atræ *acris* est *agrestis & ferus*, hoc est interprete mihi Galeno T. V. p. 470. Clarissimi Præsidis mei, viri multijugæ electionis, scientiæ omnigenæ, ductu, *δακνὸς τε καὶ διαβρογτικός* mordax & corrosivus. Nostri quippe humoribus insunt *ὀξύτητες δερμείας καὶ ἰώδεις*, uti loquitur Medicinæ Dictator Hippocrates 10 aph. 28. 57. aph. 22. *acumina pungentia & æruginosa*, atq; adeò *δερμὲς ἰχώρες* canies excellenter *acuta* ab iis unice dimanat.

§. XXIV. Nonne igitur erronea est sententia Johannis Ferneli? solum serosum & pituitosum humorem esse unicam arthritidis causam: quippe contrariatur tum rationi, tum rerum omnium Magistræ experientiæ, quia ut rectè dixit Hieronymus Mercurialis, lib. 4. cap. 2. p. 5. Pituitosus humor, suapte natura iners est, neq; ex sese penetrare potest ad articulorum anfractus. Quare necessarium est, ut, si debet penetrare, aliquod habeat *vehiculum*: & propterea I. rationi diversissimum, tot dolores posse fieri à solo pituitoso humore: II. Contra experientiam est, omnem arthriticum dolorē calidis tolli medicamentis, sed plerumq; refrigerantibus quàm optimè corrigitur: si autem omnis arthritidis causa esse frigida, ut Fernelius vult, utiq; sua prodesse calefacientia: III. Causa calida quia majorem habet activitatem, quando cum *excessu agit, intensum, & exquisitum* infert *cruciatum*, qualis est arthriticus.

§. XXV. Nec sibi constat Fernelius dum l. c. dicit: Ruborē & calorem in articulis fieri, non ex morbi essentia, sed ex vehementia doloris, qui ruborē calorēq; facit: qui potissimum iis eveniunt, qui constitutionem corporis obtinent impensè calidam, atq; plethoricam, & qui levi occasione febris jactantur. I. enim falsum, dolorem posse producere ruborem & calorem, sine ulla *materia*: cum nec ipse dolor internus possit in corpore humano generari, neq; subsistere sine materia, causa doloris, *humore* scilicet, *vapore*, *flatibus*, *vermibus*, *calculo* vel alia *re non naturali*. Ille igitur calor, rubor & febris, primario non sunt ex dolore. Quod Fernelius ipse innuit dicens: Hæc accidentia evenire potissimum iis, qui constitutionem obtinent impensè calidam, atq; plethoricam. Quid quæso hoc aliud est, quam dicere illum calorem, ruborem & febrem esse ex constitutione plethorica: i. e. ex abundantia sanguinis & impensè calido corpore. II. Quomodo hæc, quæso, simul stare possunt, corpus impensè calidum & plethoricum, in quo *sanguis præter modum auctus* dominatur & *multa pituita*? Fernelius dicit: Omnem arthritidem ortum suum sumere ex humore seroso, l. pituitoso: illum humorem creare intensissimum dolorem, ex dolore oriri ruborem, calorem & febrem; non tamen

ex

ex humore illo frigido, sed ex *plethora*, sive *copioso sanguine* in eodē corpore impense calido. Ex Fernelii igitur mente in corpore, valde *calido*, & *copioso sanguine repleto*, simul etiam generantur multi *humores frigidi*: quod falsum.

§. XXVI. Falsum est, quod Ambrosius Paræus protulit & 1. quidem humorem arthriticum, non notioris esse naturæ, quam qui pestem, & luem veneream, aut epilepsiam facit. Nam, ut jam dixi, ille morbus oritur ex humoribus satis *effabilibus*: quia humores, ut manifesti sunt, ita etiam medicamentis *manifestis qualitatibus* agentibus, curantur. Quod autem 2. hi humores tumorem non producant neq; ad suppurationem perveniant, ratio non est: quod malignitatem habeant. Nam & maligni humores quoq; *tumores* faciunt, & in *pus* mutantur; ut experimur in *pestilentibus bubonibus* & *anthracibus*: sed causa est, quod humor ille serofus sit. Nec 3. quicquam ad rem facit: quod isti humores *communes manifestiq;* cum in partem aliquam influxerint, ne tum quidem, cum in *pus* vertantur, tam acres cient dolores, atq; is, qui arthritidem facit.

§. XXVII. Etsi hoc concedo: indè tamen non sequitur: ergo ille humor, qui acutiores efficit dolores, malignam & occultam habet agendi facultatem. Quod enim hæc causa, in una parte majorem inducat dolorem, quam in alia, non semper ex causæ malignitate, sed ex humoribus, agendi *vehementia* & *remissione*, vel *exquisitiore* & *obtusiore sensu*. Ita intensior oritur dolor ex sanguinis & bilis *acrimonia* & *calore*, quam ex *pituita*, & quidem major in parte membranosa, quam carnosa. Non tamen simpliciter verum est, dolorem arthriticum majorem esse, quam tumorem ex sanguine vel bile sive flava, sive nigra ortum, ut sensu manifestum est in *phlegmone* &c. in primis verò *paronychia*, in digitorum extremitatibus circa ungues nata: in qua tantus percipitur dolor: ut affecti nec die nec noctu quiescant: & non raro *febrem continuam*, imò *lipobymiam* ex doloris atrocitate, conjunctam habeant: adeoq; multis modis dolorem tum arthritidis, tum canceri exulcerati superet. Quod tamen illi humores, ubi in articulos ex

alia

alia causa incidunt, in nodos haud unquam abeant, causa est: quod illi humores, materiam *tartaream* & *gypseam* non transferant secū ad articulos; sed solum *serum*, quod *sale* & *tartaro* copiosè imbutum est; quod dum longa mora detinetur in articulis; in iis subsidet, coacervatum tandem coagulatur & membrana *nodosa* reddit.

§. XXIX. Verū materia fluens ad articulos, ideò partes per quas decurrit, non lædit: quia tantum currit & fluit, minime verò in iis subsistit, neq; coacervatur, ita ut partes illas *distendere*, vel etiam continui solutionem in iis possit efficere. Quemadmodum ille vapor, (loquor cum Veteribus) qui in epilepsia ex partibus inferioribus ad cerebrum ascendit, non in via, sive partibus per quas deferitur, neq; in parte mittente epilepsiam facit: quia in illis id agere non potest; quod agit in parte recipiente, *cerebro* scilicet: in quo collectus, vasa, imprimis nervos *replet, obstruit, mordet & vellicat.*

§. XXX. Quòd autem arthritidis causa, modò cum caloris, modò frigoris sensu arthriticum pariat dolorem: accidit ob variam humoris affluentis diversitatem: modò enim fluit humor calidus, modò frigidus, ut pituita remixtabile: vel in unum articulum illabitur calidus, in alterum frigidus humor, eaq; ratione, interdum videre licet, in eodem arthritico corpore dextræ partis articulos, quasi *ardoribus* extorrereri, sinistrae verò *frigore* torpere: vel etiam eodem latere genu *calida intemperie*, pedum verò articulum *frigida* vexari. Hoc accidit, ubi affluens humor calidus circa genu subsistit, ibiq; coacervatus non naturalem producit calorem, simulq; vasa obstruit: quò minus liberè sanguis calorq; ad pedum articulos distribui possit: unde caloris defectus & frigoris sensus. Præter rationem itaq; hæ rationes persuaferunt multis: hujus mali *essentiam incognitam, virusq; occultum, & inexplicabile* esse: quamvis non prorsus negem, nonnunquam humorem, arthritidis causam, *malignitatem aliquam* habere.

§. XXX. Omnium igitur proxime arthriticum dolorem producere *humores serosi*, Sole meridiano clarius est. Verū illi non unius sunt generis: alii enim secundum, alii p. n. in nostro gene-

generantur corpore. Illi iterum duplici modo dicuntur naturales, vel quod illorum generationem natura intendat: eosque ob certum finem & usum producat: vel quod per se quidem illi non intenduntur, tamen dum chylus & sanguis generatur ratione materiæ, i. e. *cibi & potus*, evitari non possit, quin non simul huiusmodi humores procreentur.

§. XXXI. Prioris generis sunt humiditates, quæ chylum & sanguinem ita diluunt: ut in vasis suis vehi & distribui possit. Unde apud artis nostræ Legislatorem, Hippocratem *ὀρμηνα τῆς τρεφ-
φῆς*, *rebriculum nutrimenti* vocatur. Sine dubio hic est ille liquor, quem cum Recentioribus *lympham* voco: etsi Medicorum Luminari, Bartholino videatur à feri natura differre. Ad alteram verò classem pertinet aquosum & tenue illud sanguinis excrementum, quod Græcis *ὀρρῶς*, Latinis *serum* dicitur. Nam cum germen immortalitatis, Homo, non *solido & sicco* tantum, verum etiam *liquido & humidò cibo*, imò ad extingvendam sitim, *potu* utatur: illa autem alimenta non omnia in laudabilem transmutentur sanguinem: pars *tenuis & aquosa* ad nutritionem inepta & superflua remanet: quæ ubi à sanguine se cernitur in serum abit.

§. XXXII. Præter naturam in corpore nostro serofi colliguntur humores, ex humorum corruptione: nam in omnibus succis & humoribus serosam quandam & tenuem humiditatem reperiri, scribit arte medica celeberrimus Galenus com. in l. 6. c. 15. Illa autem corruptio accidit vel per *σῆψιν* *putredinem*, vel per *σύντηξιν* *sive colligationem*.

§. XXXIII. Prius accidit, ubi humores in corpore nostro geniti, nec ipso sanguine excepto, p. n. coacervantur: nec libere moventur, nec debito evacuantur tempore: tum enim eorum calor opprimitur, & extingvitur: quam extinctionem sequitur *corruptio & putredo*. Similiter, ubi humores ad copiam, vel tenuitatem & acrimoniam sua aperiunt vasa, & ad locum alienum prolabuntur: non possunt diutius conservari, sed resolvuntur & corrumpuntur.

§. XXXIV.

§. XXXIV. Humorū verò colliqvatio fit: quando vehemens calor sangvinem attenuat, & dissolvit: ubi autem hâc ratione substantia & unitas sanguinis in suas dissolvitur partes: non possunt illæ integræ subsistere.

§. XXXV. Partes verò illæ sunt *crassæ*, vel *tenuēs*. Tenuēs constituunt corruptum hoc serum. Docet hæc omnia primus ille artis nostræ Parens Hipp. lib. 1. de natura hominis his verbis: Hominis corpus in se sangvinem, & pituitam, & duplicem bilem, flavam nempe, & nigram continet: ex quibus corporis ipsius natura constat: & per hæc dolet & sanum est. Sanum quidem vel maxime, cum hæc moderatam inter se tum *facultate*, tum *copia*, temperationem habuerint. Dolent autem, ubi horum quicquā vel *minus* vel *copiosius* fuerit in corpore separatum. Cum enim horum aliquod secesserit, & per se constituerit, necesse est: non solum locum, ex quo excessit, morbo vexari, sed etiam in quem nimia copia influxerit. Hi humores autem arthriticos pariunt dolores, cum ad articulorum partes sensibiles fluunt, easq; distendunt, vellicant & mordent.

§. XXXVI. In omni humorum fluxu quatuor potissimum considerata sunt, 1. ipse humor, qui fluit, 2. pars mundans, à qua fluit, 3. pars recipiens, ad quam fluit: & 4. via & meatus, per quos fluit.

§. XXXVII. Hactenus ipsum consideravi humorem. De parte mandante hunc humorem, variæ circumferuntur opiniones: alii cerebrum, alii hepar & reliqua sangvificationi dicata accusant viscera. Artis medicæ fortissimus Atlas Fr. De le Boë Sylvius Tr. de arthrit. §. 85. glandulas pancreatis *conglomeratas* passim *conglobatas* * (ut illas vocat) focum & locum, in quo generatur, vel coacervatur humor arthritidem produciens statuit: eamq; sententiam probat tum experienciâ Anatomicâ; tum quod humor peccans, idem sit cum humore febres intermittentes producente: cum nonnunquam febres in arthritidem degenerent, teste divino Præceptore nostro, Hipp. l. 4. aph. 44. ubi inquit: Quos febres longæ exercent: iis vel tubercula vel articulis dolores fiunt.

* Drelinc. in Colleg. Anat. illas non distinxit.

§. XXXVIII.

§. XXXVIII. Cum verò in pancreate non minùs, quàm in reliquis visceribus corrupti generantur humores: ab eo causam huius affectus ad articulos promanare non negem: sed illud solum in culpa esse, à veritate ut mihi videtur, alienum est: neq; solum pancreas, verum etiam stomachus, epas, lien, mensenterium focus & locus febrium sunt. Igitur dico partem mittentem humores noxios non semper unam esse.

§. XXXIX. *Via & exitus*, per quos à foco & loco properat, & ad articulos fertur, sunt *vena & arteria*: quòd ex eo patet, 1. quòd arthriticis instante paroxysmo venæ ad manus, pedes, extremosq; articulos tendentes manifestè intumescant: 2. affluxus hic & morbus subito fiat: quòd fieri non posset, si extra vasa humor ad articulos proflueret: 3. quòd parti affectæ applicatis *refrigerantibus & repellentibus* dolor cedat, ac ex uno loco in alium migret: & liberato hoc pede, nunc alterum affligere incipiat. 4. Galenus, Medicorum in præsagiendo felicissimus, com. 2. in lib. de nat. hom. aph. 5. dicit, & experientia testatur: Arthriticos & podagricos tum interire: quando succi ad articulos delati, inde repelluntur ad principem partem: nec servari eos posse, nisi rursùm noxii humores ad artus revocentur. Quà ratione autem hi humores ab articulis repelli, & ab iis ad artus revocari possunt, si sunt extra vasa? Nec tamen assero, nihil prorsus serosi humoris per partes subcutaneas, & carnosas, extra vasa ad articulos transmitti posse: cum satis manifestum sit: vesicatoriis & cauteriis magnâ copiâ ejusmodi humorem extra vasa subsistentem, maxime arthriticorum commodo intercipi & evacuari.

§. XL. Terminus, ad quem fit fluxus, sunt *articuli*: qui præ iis partibus sunt dispositi ad excipiendos humores: tum quòd *prope* cliviori & à corde, caloris fonte, remotiori sunt positi: tum quòd circa articulos vasa terminentur: quæ per anastomosin noxios humores, suâ mole, suâq; acrimonia molestos in iis deponunt: ut in illis articulis ob laxam & nodosam ossiū articulationem subsistunt & cumulantur.

§. XLI. Causa *παραταρπική* hujus mali est omne illud, quod *παρασκευήν* arthritidis movere atq; excitare potest. Agmen heic ducit *æër*, cujus ope vita nostra sustentatur: & quem infinitis mediis insensibilibus intra corpus per poros, ac sensibilibus per ipsam inspirationem, continuo homo admittit: cum, in isto, hicce *particulis nebulosis, subterraneis, crassioribus* inquinatus sit: facili negotio hasce particulas heterogeneas tum sanguini, tum lymphæ communicat: quæ pro diversa sui constitutione humores illos diversimodè exagitant: ac variam *fermentationem vitiosam*, multifariis modis, inducunt. *Nebulosus* enim *æër* intra corpus nostrum admissus, humores in eo existentes torpidiores ac viscidiores reddit: utpote iis qualitatibus constans: è contra autem acriores humores plus debitò exagitat, ac fermentationem adauget.

§. XLII. Pari ferme ratione partis cujusdam subita denudatio, vel corpus nostrum aëri frigidiori expositum, in causa esse poterit. Unde vel *depravata* in corpore nostro causatur *effervescentia*: vel notabilis imbecillitas in articulis producitur.

§. XLIII. Cibi copiosè *ingesti*, & ad crudum vel acrem sanguinem generandum apti, nec non *fale tartareo* præditi, carnes & pisces fale fumoq; indurati: propter abundantiam falis fixi arthriticum citius promovent dolorem. Potus obest nimius præcipue vinorum, quæ in solo calcaceo & tartareo proveniunt: habent enim salem seu tartarum crassò modò mixtum, vel, ut cum Chemicis loquar, *sal adhuc fixum*: qui cum spiritu in massam sanguineam abit.

§. XLIV. Immoderatus *Veneris usus* ad hoc etiam confert malum: Venus enim nimia cum articulos & partes nervosas, tum totum corpus debilitet: plurimum ad arthritidis generationem facit. Hinc Poëtis podagra *Bacchi & Veneris filia* dicitur: hincq; Græcum illud Distichon, multa vetustate & venustate insigne:

Λυσιμελὲς Βάκχος, καὶ λυσιμελὲς Ἀφροδίτη.

Γεννᾶται, θυγατὴρ λυσιμελὲς ποδάγρα.

E solvilumba Venere, solvilumboq;

Baccho, creata est solvilumba chiragra.

Ut Jul. Cæſ. Scaliger verbit. Et latini Poëtæ verſus!
Nec Veneris, ne tu vini capiaris amore;
Uno namq; modo, vina Venusq; nocent:
Ut Venus enervat vires: ſic copia Bacchi
Et tentat greſſus, debilitatq; pedes.

§. XLV. Promovent & augent hoc malum ſomnus & vigi-
liæ. Cùm enim actiones hæ naturales juſtò tempore adhibitæ ſa-
nitati ſum̄operè conducant: ita plurimorum morborum cauſæ
fieri poſſunt: ſi terminos mediocritatis excedant. *Somnus enim*
nimius, humores omnes in corpore noſtro condenſat: acidum auget, il-
ludq; torpidum reddit: è contra autem vigilia humores illos nimis exa-
gitant: ac acriores reddunt per motum corporis inſolitum: tum
per motum Spirituum animalium indefinentem celeriore: quæ
utraq; cauſa remota arthritidem inducere poteſt.

§. XLVI. Nihil autem efficacius hunc producit morbum,
quàm evacuandorum p. n. retentio: ubi nempe ſangvis *quantita-*
te vel *qualitate* peccans, nec non reliqui abundantes humores de-
bito tempore non excernuntur: eâ enim ratione præter modum
in corpore accumuluntur: & facillimè accedente cauſa irritante
ad membra externa transmittuntur.

§. XLVII. Hoc præ cæteris etiam præſtant *motus & quies:*
motus tum *corporis*, equitationes, curſus, ſaltationes poſt indigeſtū
cibum inſtitutæ; tum *animi*, ira nempe, mœror, excandefcentia,
curæ, lucubrationes nocturnæ ac ſtudia nimia. Hæc enim
cum nimia fuerint, concitant *efferveſcentiam & agitationem humorum:*
deindè humores comoti in articulos influunt: doloremq; acutiſ-
ſimum inducunt atq; promovent.

§. XLVIII. Differt autem arthritidis r. ratione *generationis:*
alia non eſt hereditaria, alia eſt hereditaria: nam.

Qui vires in foliis, venit ex radicibus humor,

Sic Patrum in natos abeunt cum femine morbi.

Et Poëta Lyricus canit:

Ætas parentum pejor avis tulit

Nos neqviores, mox datura

Progeniem vitiosiore[m].

Et Virgilius ipse:

— — — Sic omnia satis

In pejus ruere, & retro collap[sa] referri.

Quod ipsum Avicen. lib. 1. sc. 2. doct. 1. in fine cap. 8. & Aëtius ser. 12. c. 7. testatur. Cum verò nulla ratio sub[si]t; cur non illud hæreditarium vitium, tam in fœminas, quàm masculos propagetur: facilè patet: hæreditariam podagram etiam excipiendam esse, à divini Præceptoris nostri Hipp. aph. 29. 30. 31. sect. 6. Uti autem alia vitia, in liberis sæpè non, in nepotibus tamen apparent: ita & arthritidis ab *avo* ad *nepotem*, liberò interim *patre*, potest transire.

§. XLIX. Nonnulli scribunt etiam *epidemice* grassatam esse podagram: quod quidem, quia paucis nititur experimentis, nec ausim asserere nec negare: quia tamen *aër*, vid. Disp. §. 40. magnā vim circa arthriticos habet dolores: videtur *q[uod] vobis modò endemium morbum* esse arthritidem: quia uno in loco plures arthriticos reperimus, quàm in alio.

§. L. Hæc quæstio oritur: An arthritidis contagiosa sit? etiam hoc non constat experimentis. Candidæ veritatis insignis Amator, Sennertus, ubi contagiosos morbos enumerat, arthritidem omittit: librò autem 4. de febb. c. 3. fol. 394. ubi de contagio diligenter & ex instituto scribit; non quodlibet corpus morbosum etiam contagiosum esse, ait: statimq; subjungit: Neq; qui arthritide laborat, eam alteri per contagium communicare potest. Unde colligitur, tam certò statuisse Sennertum, *arthritidem non esse contagiosam*: ut nec quæstionem de ea moverit in doctissimo suo Tract. de arthr. Nec ego apud alios Authores tractatam hanc quæstionem me legisse memini: unam tamen *historiam* referam. Frid. Laur. in suo Coment. de aph. Hipp. incert. ait: Podagricum quendam aluisse domi suæ canem, qui pedes podagrici hospitis sui frequenter linxit: ille autem canis deinde per paroxysmos podagrâ affligebatur: ut nec stare nec ambulare posset.

§. LI. Sed è diverticulo ad viam; arthritidis 2. ratione *accidentium* differt, quædam *nodosa* est, quædam *nodis* caret 3. ratione causa

vid

vid. Disp. §. 41. 42. 43. 44. 45. 46. 47. 4. ratione *durationis*, alia recens, alia inveterata est. 5. ratione *invasionis*, alia periodos observat, alia sine periodis invadit. 6. ratione *partium subjectarum*. Deniq; 7. alia est *vaga*, quæ nunc hanc, nunc alteram partem moleste afficit: alia *fixa*, quæ fixum in omnibus vel plurimis articulis, habet dolorem.

§. LII. Ex antecedentibus malum hoc cognoscitur: si parentes scil. fuerint arthritici, si gula vinosa, si nimia Venus, si lassitudo corporis, torpor & tandem dolor circa articulos ex levissima causa oritur. Præsens arthritidis per se patet ex dolore articulorum vehementi, motuq; difficiliore manuum, pedum, genuum, quem sequitur tandem tumor, rubor & plerumq; febris. Inde *vigilia*, *virium dejectio*, aliaq; symptomata, quæ eleganter Lucianus in Tragopodagra descripsit.

§. LIII. Prognosin quod attinet, arthritidis lethalis non est: quod quibusdam ægris est *solutio*, quibusdam *terrori*, qui mallent *mori* quàm *vivere*. Ratio autem huius rei est: quod materia illa cor, in quo vita nostra consistit, non lædat. De *podagra nodosa*, communis est doctrina: eam esse incurabilem: de qua versus vulgaris,

Tollere nodosam nescit medicina podagram:

Et Magni Imperatoris Caroli V. proverbium: *Gedult und ein wenig schreyen sind vor die Gicht die besten Argneyen*. Et revera si confidero, quod ut plurimum fit, nodosa vix curatur. Notandum hoc à sæpius citato & laudato Hippocrate, nodosam in Senibus esse incurabilem. In Juvene curatam esse Spigelius in lib. de arth. & Joh. Noselius in quinquagenario, commemorant.

§. LIV. Nonnulli dicunt arthritidem ab aliis morbis præferre curatione: quod materiam vitiosam ad partes ignobiliores propellat: quod non a usim asserere. Interim exempla docent sæpè ægros in arthritide *diu vivere*. Videmus tamen aliquando eos *mori*: soletq; vulgò id arthritidi tribui. Ubi notandum: aliquando nimis vigiliis, *victam succumbere naturam*: sæpè enim *periculosas febres, inflammationes, deliria, cordis angustias, tremores, anhe-*

litus, aliasq; *difficultates* conjunctas habet: & tum quidem arthriticus mori potest: imò mors est in propinquo: fitq; imprimis: cū in articulos propellitur materia, & magna copia partes nobiles invadit, ut cor & pulmones.

§. LV. Vulgus superstitiosè attendit, imo ex Medicis quidā, ut apud Lev. Lemnium videre est: An annularis digitus etiam *tumore* corripitur: & tum mortem subsequi putant: si ille liber sit, non esse vitæ periculum. Verū hęc res neq; ratione aliqua subnixæ est: neq; experientiam suffragantem habet.

§. LVI. De *paroxysmo* ipso, supremus Medicorum Daduchus, * Hippocratem indigito lib. 6. aph. 44. ita scribit: Quibuscunq; morbi podagrici fiunt: ii. sedata 40. dierum inflammatione, finiuntur: modò ut sacræ nostræ medicinæ Antistes, Galenus in cōment. addit, Medicus in curatione nihil deliquerit, & æger sint obediētes. Illa verò verba intelliguntur, vel de aliquo die in hoc spatio 40. dierum contento; vel de ultimo & longissimo termino. Pro diversitate enim materiæ paroxysmus ipse variat: quando illa dissipabilis est, facilè citòq; solvuntur dolores: quod vel in principio, vel in juvenili corpore, vel ex partium robore fieri solet. Cū autem humor *crassus*, *glutinosus* ac *gypseus* redditur: ultra 40. dies extenditur morbus: ut accidit in confirmata arthritide corpori senili: quò enim læpiùs & diutius membrum arthritide corripitur: eò habet longiores paroxysmos: & quò pars debilior eò tardius, id quod affluxit, discutitur.

* Der die Sackel vorträgt.

§. LVII. Arthritis itaq; curabilis est tam in adultis, quàm in senibus: modò viscera non planè sint depravata: & partes affectæ calidò in natò nativò * non planè exutæ, & in *sophaceam natam* mutatae: nec non *bona* insuper in omnibus *diata* servetur: spretò enim hujus regimine, non rarò fit: quòd malum per se curabile, in curatione non habeat successum: dum *vina* aliaq; *noctiva* usurpant ægri, nil pensi habentes, quid inde subsequi possit. Sie essen gerne was leckers / und trincfen ein gutes Trandfgen (etliche können Wein) und leiden hernach was sie können, Annon.

Ennius

Ennius ipse pater, dum *pocula ficit iniqua*,
Hoc vitio tales fertur meruisse dolores?

* *Non loquor de calido innato nativo Veterum.*

§. LIX. Merito igitur medicinæ Phœnix, Hippocrates à Seneca excusatur: quod non malè suò tempore dixerit: *Eunuchos, mulieres, & pueros non laborare podagrâ*. Siquidem intemperantia, jam Senecæ tempore introducta, hebetavit Hippocratis sententiam *nullò ejus dedecore*, quò de *temperate viventibus*, non de *belluonibus* loquebatur. Hercules quidem Saxon. testatur de Polonis: eos non tantum *pueros*, sed & dum *lactent*, arthritide corripì. Propterea tamen aphorismorum veritas non infringitur: loquuntur enim aphorismi Hippocratis de eo, quod plerumq; contingit. Si consero inter se pueros, & viros; longè plurimi viri laborant podagrâ, paucissimi verò pueri. Ita etiam de mulieribus verum est: longè rariùs eas laborare podagrâ, quàm viros: nec ferè laborare, nisi menstrua fuerint suppressa aut imminuta: nam & hîc aliquando contrarium posse contingere fateor. Neq; etiam id voluit artis nostræ Legislator, Hippocrates in aphorismo: quia pueri non laborant ante Veneris usum podagrâ: Venerem modò causam esse podagræ: neq; cum de mulieribus loquitur, non laborare eas podagrâ: nisi suppressa sint menstrua: à mensstruis suppressis solis podagram oriri.

§. LIX. Delineata in præmissis morbi naturâ superest: ut ipsi quoq; *curationi* manus admoveam. Omnium autem remedium dextra administratio, ex tribus illis vulgaris notitiæ fontibus, *Dietetico* nimirum, *Pharmaceutico* & *Chirurgico* petenda.

§. LX. *E fonte chirurgico* suppeditatur V. S. quæ multis utilissima, illis scilicet qui abundant sanguine fervido: potestq; in his non tantum in Vere, sed & autumnò institui. Quò autem in loco vena sit secanda, adhuc disputatur. Si nullus respectus habetur, in vena secanda, nisi ad *pletboram* & *sanguinis fervorem* perinde est, quâ in parte fiat. Ast ubi ad partem affectam respicitur: solent quidam, ubi in manu est, venam in pede secare & contra. Quidam ipsam partem affectam secant, aut cucurbitulas loco affecto adhi-

adhibent. Idiota illa sartor Göttingensis, qui magnum sibi nomen illa curatione acquisivit, *instante uovilunio*, imò accuratè observans *punctam temperis*, sanguinem emittebat.

§ LXI. Quidam observant etiam rectitudinem laterum: cui quidem ego vix quicquam possum tribuere: postquam *circulatio sanguinis* est inventa. Certè in praxi observantur, quæ cum motu sanguinis vix conciliantur. Trincavellus, Vir sanè doctus & fide dignus exemplum refert: Laborabat quidam doloribus omnium articulorum, in utroq; latere, Medicus animadvertibat sanguinem *copia* laborare: ideò in dextro pede secat venam: tunc brevi temporis spatiò, dolor dextri lateris cessat, manente in *sinistro latere* dolore: deindè cum in dextro secabat, in altero etiam latere dolor cessabat. Hæc profectò cum *motu sanguinis* conciliari non posse quilibet videt.

§. LXII. In paroxysmo multi V. S. laudant, multi vituperant. Rationalis autem Medicus consideret, *quale sit corpus ægri*. Si enim Experientiam, rerum omnium Magistram consulò: juvasse aliquando, aliquando non deprehendo. Si *corpus sit plethoricum*, si febris simul adsit: tum quidem V. S. instituere comòdum erit. Ex suis enim signis debet cognosci: quod si *pituitosum*, illi tantum abest, ut juvetur sectione: ut potius majus incurrat periculum Solenander cuidam cum in paroxysmo suo vena esset secta, deinde post paroxysmum motum fuisse impeditum observavit: observavit in alio venâ sectâ, topfos in articulis esse repertos.

§. LXIII. E fonte Pharmaceutico nobis suppeditantur varia medicamenta: in primis profunt *hermodactyli*, & ex iis parata medicamenta. Sunt qui indubium vocant *usum hermodactylorum* in arthritide, inter quos est Frambesarius in cons. fol. 444. ille tamen improbare eos non videtur: in his præsertim Subjectis, quæ obeundarum actionum necessitatem habent: ubi scilicet subitaneò opus est auxiliò. Etenim, inquit, intra biduum obeundis muniis idoneos faciunt *hermodactyli*. Paulus lib. 3. cap. 78. rubr. 2. scribit: Notus est mihi qui non hermodactyli substantiam, neq; aliquod ex eo compositum medicamentum, sed *berbe* ipsius decoctum,

coctum, cum aliquo consulto medicamento, utpote *aniso*, vel *ap.* decoquens, ipsum potui exhibuerit: ac mirum est, quam resolutâ sæpè alvo defluxionem sederet. Unde & Avicenna lib. 22. c. 3. Tract. 2. c. 8. suâ & aliorum mente affirmat, esse utilitatis maximæ: licet debilitet stomachum, sic enim ait: Verum *hermodactylus* sunt nocui stomacho: quare oportet ut misceantur cum iis, quæ sunt sicut *piper*, *Zingiber*, & *cuminum*, & quandoq; ea, quæ sunt sicut *aloës* &c.

§. LXIV. In cacochymia in usum vocatur emeticum ex gutta gummi ad gr. III. vel ex Θ lo in jusculo pingviori diluto ad \mathfrak{z} j. Prodest etiam *infusio senna*, cum manna calabr. & radice *galappa*. Omnia verò excedit *syrupus Rhamni cathartici* ad \mathfrak{z} j. horâ unâ ante pastum assumatur: adjicitur sæpius *manna* vel aliud purgans: sed *rhannum* aliorum purgantium Consortio non gaudere observavit Excellentissimus Præses meus, Vir sublimis judicii, magnæq; experientiæ.

§. LXV. Laudabilia etiam sunt remedia in arthritide, quæ per *insensibilem transpirationem sudorem & urinam* movent: alia unum, modo præstant, alia utrumq;. Fernelius *quaj. decoct. salsaparil.* *bin* comendat, Crato *seden nara*. Cardanus quidem jubet ejus usum vitare in corpore sicco. Huc referendum est *decoctum Chamed.* præstans sanè remedium quod Magno Imperatori Carolo V. Medicis fuit comendatum. Crato consil. 710. fol. 371. svadet continuum usum *CC.* cujus *rasuram* in petia ligatam ordinario poni addidit. Gvil. Fabr. svadet frequentem usum *betonica*, in forma ∇ æ, syrupi, pulveris, conservæ &c. *foliorum cicborci* pulverem, calidis præprimis corporibus comendat Spigelius: multum eic facit *Bezoar mineralo* ritè paratum, Θ *volatile viperarum* vel *CC.* Θ *succini*.

§. LXVI. Plus tamen præstant *Diaretica*, cum serosam humorem ad naturalia excretionis organa reducant: eâq; ratione Condissimum Medicorum Decus, Forestus comendat *rad. lapp.* majoris & refert: Vesalium, Pensionarium Mechlinensem, cum electo decumberet, ex doloribus articulorum, ut nulla movere posset.

posset membra: bibisse *decoctum cerevisia*, in quo radix lappæ incocta erat: quâ epotâ cum nullis remediis curari posset, minxit lotium album instar lactis, & â doloribus curatus fuit. vid. obs. 7. l. 29. vel R. Sarsaparill. ʒj. ligni sassefras ʒss. rad. caryophyl. ʒj. fantali citrini ʒij. infunde in ∇ æ lib. 3. horis 24. postea coq. Detur manè haustus vel decocti solius vel cum CC.

§. LXVII. Si intemperies quædam partem mandantem afficiat: ea alteranda est: in quem finem varia & egregia ab Authoribus proponuntur pharmaca: ut sunt in frigida hepatis constitutione *extraet. eupator. absynth. chamæpyt. pulv. digest.* Quercetani *mors. Imp.* (confect sapient.) similiaq; ex aromatibus parata. In calida hepatis intemperie, conveniunt *fol. endiv. acetos. acetosell.* rad. cichor. flor. borrag. bugloss conditi. Si lien affectus est, fumaria, scolopendr. chamæpyt. & antiscorbutica, ut cochl. nasturt. & trif. aquat. raph. rust. in calida ejus constitutione conserva pulpæ citri, rosar. acetos. acetosell. pulpa tumarindorum &c.

§. LXVIII. In corrigendis visceribus magnarum virium sunt \ominus , \oplus , \odot : viis autem, per quas noxius transit humor, *constringentia* & *roborantia* visceribus applicantur, ut ∇ fol. *qvert. plantag. polygon.* cum admixto *bolo armeno, balaustis, mastiche* &c. heic tamen cautè procedendam: ne improvidè materia ad nobiliora repellatur viscera.

§. LXIX. Post sufficientem corporis evacuationem ad partem recipientem deveniendum est: & quæ illum dolorem vel mitigare vel tollere possunt, applicantur. Quam plurima autem anodyna comendantur: ubi ex simplicibus *lac* (vaccinum) tepidum, recens mulctum, cum linteis in eo madefactis impostum: aut cataplasma ex eo, & medulla panis tritici floribusq; verbasci, chamomillæ, ovorumq; vitellis paratum. Et certè utilissimum tam in curanda, quam præservanda podagra *lac* est remedium: legi potest tractatus egregius, egregie docti viri Greselii, Ph. & Med D. de cura lactis in Arthritide, in quo pluribus de hoc præstantissimo agitur medicamento. Medicorum Germaniæ nostræ Princeps Sennertus de arth. f. 36. ex gemis coryli exprimit oleum.

oleum, ut ex semine lini, corpus remanens comburit, Θ em cum
livia extrahit: & cum \odot permiscet, simul transfundendo per
asculum ligneum: sicut pictores oleum lini clarificant: & sic
componit præstans ad dolores leniendos medicamentum. Idem.
Ibid. f. 39. proponit \odot *verbasci* tale: Flores in ampullam vitream
enè clausum ponit ad Solem: sic in liquorem pingvem diffluent:
ritq; liquor anodynus.

§. LXX. Forestus comendat ceu miraculosum cataplasma
lenticula aquatica & florib. chamemill. in lacte coctis, addendo parū
arinæ hordei confectum. Schönbornius in manuali fol. 241. li-
vorem arte chimica ex pisce quem *Peisftern* vocat, elicit: eoq;
ro externo remedio ad dolores leniendos utitur. Quidam vero
itidem l.c. sumunt rasuram CC. & cum aceto rosaceo vel floribus
imbuci coqvunt, donec inspissetur, illudq; applicant. Alii sumūt
dem acetum tepidum cum theriaca & cum linteo applicant cum
magna artis gloria. Crato conf. fol. 467. \odot ex ossibus humanis
ræfert, quod fit ut oleum ex ligno junip. inter duas ollas. Idem.
rmat Paulus lib. 7 tit. de ossibus. Hâc ratione Aubertus exerc 50
addit. Fernelii, felicissimo eventu ea in pulverem redacta, cum
onserva *rosi marini & betonica* comixta non paucis arthriticis exhi-
uisse refert. Avicenna lib. 21. 3. Tr. cap. 9. inquit: Et existimârūt
quidam, quod de expertis, quæ non diversantur omninò est ut in
otu dentur ossa hominis adusta, & jam quidē usi fuerunt eis qui-
am de tamosis, & sanati sunt ex podagra & doloribus juncturarū
mninò: vel \mathcal{R} ceræ alb. \odot ros. lumbr. terrest. \hat{a} \mathfrak{z} iss. ∇ ros. \dagger vini
 \mathfrak{z} j. lap. calamin. olib. mastich. \hat{a} \mathfrak{z} iss. camph. \mathfrak{z} j. album. ovor. num.
M. F. ceratum.

§. LXXI. \odot ex *pedibus vitulinis* extractum in arthriticis dolo-
bus sedandis præstantissimum est: quod hōc modō paratur: Pe-
es vitulini *contundantur* & ossa *confringantur* ad putrilaginem, \odot
æ supernatans, & cum ∇ vitæ & Θ is exigua quantitate mistum,
artibus dolentibus illinatur. Verū ubi dolor præter modum
ontumax est & ferox, adeo ut lipothymia, & omnium virium
ejectio, metuenda sit; ad narcotica confugiendum est: quod

præstant sequentia R fol. hyoscyami m. i. solani, sempervivi, capit. papav. hort. ā m. rad. mandrag. ʒj. fl. chamæm. verbasci a. p. i. sem. psyllii ʒi. hyoscyami dr. i. decoctio fiat in ∇, aut lacte, eaq; foveatur pars affecta. quod si hujus decocti residentiæ addatur farin. sem. fænugr. lin. ā ʒi. olei chamomill. verbas. ana q. s. o. hyoscyami ʒi. cataplasma parari potest. Efficacissimum & tutum narcotic uest etiā hoc: R sp. vin. opt. ʒij. infunde croc. dr. s. cāph. ʒj. bulliāt parū deinde adde opii drach. j. hoc liquore pars affecta foveatur. Quidam huc referunt & ∇æ frigidæ perfusionem; & quidem i. autoritate Hippocratis, qui 5. aph. 15 scribit: Dolores articulorum podagricos, convulsiones & horum plurima *frigidâ ∇ largâ* affusa levat, & dolorem solvit. 2. Aëtii, qui tetrab. 3. serm. i. c. 28. inquit: Vidi aliquem hâc affectione occupatum, qui immixtis in frigidam ∇ pedibus, & aliquamdiu in eo detentis, præclaram tulit opem: & Donatus Anton. Ferrus Tr. 2. de podagra c. 9. scribit: Se hoc remedium sæpius expertum esse: & cum alia nihil profecissent remedia, ad ∇æ frigidæ perfusionem, tanquam ad extremum remedium, pervenisse: & statim dolorem fuisse sedatū. Ego autem hoc remedium approbare nequeo.

§. LXXII. Sedatō dolore, quod in articulis reliquum, est resolvendum & discutiendum, hæc sequentia præstant remedia. R fol. endiv. malv. chamom. Rom. cum floribus chamæpyt. a. m. ij. incisa coque in f. q. ∇ hordei ad mollitiem: adde farinæ fænugr. fabar. ā drach. i. s. olei chamomill. cheiron. ov. ā drach. j. fiat cataplasma vel applicetur sequens emplastrum R gum. coloph. ʒij. amm. bedellii in aceto soluti, terebinth. mastich. thur. myrrhæ ā ʒi. axung. hum. drach. vj. o. vulp. ros. ā drach. i. s. oxycr. drach. vj. rad. Ireos floret. hermodact. pulveris. ā drach. iij. cum o. lumbricorum terrestrium f. empl. Non modò à Chemicis, sed & Cratone & Platero commendatur o. ex ossibus humanis extractum & illitū.

§. LXXIII. Arthritis nodosa, ubi in tophos concrevit, difficillimè, vel nunquam curatur. vid. Disp. §. 53. si tamen recentes sint hi nodi demollientibus, & solventibus tolli possunt: cui rei inservit cataplasma ex caseo antiquo acri, cum decocto mucilaginoso

loso pedum suillorum paratum, & tophis applicatum. Caser
verò bubulus plus prodest, quia pingvior ex Galen. lib. de bonita-
te & vitio succ. c. 4. Galeni experimentum laudârunt postea Tral-
lianus lib. II. c. 1. Avicenna lib. 2. c. 118. Oribas. lib. 9. Synops. c. 59.
Hôc auxiliô se usq; ad miraculum usum fuisse scribit Pet. Bayerus,
lib. 4. de duritie, & nodis junctur. tit. de tophis. Ambr. Paræus
lib. 17. c. 10. de nodis seu tophis, qui in articulis concresecunt, addit
pyrethrum, & euphorbium & miscet ut efficacius ruptorium pa-
retur. Altimarus tract. de vinaceis horum vires & usus admi-
randus ad podagram memorabilibus decantat historiis. Sava-
norola tract. de balneis, mineralia & Area laudat. O cer. præfert
Crato: O ex mace paratum extollit Foësius lib. 1. pharmacop. fol.
149. O axungiae humanæ comprobat Daretus: O ex semine ni-
cotianæ expressum expertum esse tradit Porta lib. 8. mag. c. 11.
Medicinæ fortissimus Dux Lusitanus princ. hist. lib. 3. fol. 583. in-
quit: Ego solo unguento ebulorum dolorem ex tophis contra-
ctum sæpè levare vidi, cujus author fuit Andreas Lacuna lib. 4. in
Diosc. c. 158. de ebulis: cujus descriptio est hæc: R succ. rad. ebul.
3ij. O chamomill. unc. j. coque usq; absumatur succus: adde aceti
aut vini quod satis est, cum cera fiat unguentum. Quæ verò to-
phorum generationem impediunt docet Paulus cit. loc. explanat
eloqventer Franc. India lib. 1. de gutta pod. c. 4.

§. LXXIV. *Dieta* deindè adeò necessaria est: ut hac ferè so-
â ægri curentur. Rectè scripsit solertissimus Galenus de curat.
per V. S. c. 7. Ei, qui rectam victus rationem servare nequit, medi-
camenta præscribere superracaneum est. Ob quam causam aër
sit *siccus, temperatus*, siq; talis non sit arte mutetur cum *frigidus* nimi-
um, *ventosus, nebulosus*, uti & admodum *calidus & fervens*, in sole,
estuariis defluxiones proritet, & tunc maximè, cum subito ab aëre,
frigore aut calore excedente, in contrarium sit mutatio. *Cibus*
sit *boni succi, multum nutriti, & facilis fermentationis*, pauci excre-
menti, ac minoris quantitatis, quàm pro more solito. *Potus clarus,*
refectus, tenuior potius, quàm *crassior*, præsertim *vinum* cane pejus
tangve fugiendum. Poëtæ non frustra vinum vocârunt fel ter-

ræ, principem tenebrarum, vitem dicentes, è semine Diaboli in
specie serpentis germinasse, cujus acini veluti veneni guttæ sunt:
Diotimus 2. epigr. lib. tit. 6. Theopompus lib. 26. hist. Tirapellus
lib. ii. leg. connub. gloss. i. part. 15. n. 20, 23, 24. Illustris hujus Aca-
demix Decus, Dn. Cranen, Philosophus subtilissimus, & Medicus
felicissimus, Præceptor ac Fautor meus summus, in arthritide,
vaga vetitam cerevisiam & contra vinum usurpatum cum succes-
su vidit. Deinde mediocritas in *somno & vigiliis* observetur, alvus
item laxa servetur, si hoc non sit naturæ beneficio, arte fiat. Exer-
citia corporis sint moderata. Et si quo in morbo verus est aphor,
Hippocratis: Exercitium sanitatis est non saturari cibo & impi-
grum esse ad laborem, hoc in morbo verus est. A *Venere nimia*
abstinendum, *affectus animi immoderati*, imprimis ira & terror vi-
tanda sunt, & lætitiæ potius est indulgendum: & omnia quæ aliàs
à Medicis de bona diæta præcipiuntur arthriticis maximè obser-
vanda: de quibus prolixè agunt Alexand. Trallianus lib. ii. cap. i.
Andreas Gallus in conf. à Scholtio collectis conf. 270. Ant. Ferrus,
de podagra tract. 3.

§. LXXVI. Et hæc sunt, quæ de Arthritide, exercitit gratia,
ante discessum meum dicere volui. Quemadmodum enim Citha-
rædus assidue citharam pulsando, facultatem pulsandi sibi compa-
rat: Sic & Medicinæ Studiosum assiduâ exercitatione peritum,
posse evadere arbitror. Quod reliquum est: DEUM Triunū,
Archiatrum summum rogo, ut qui medicinam, pro singulari sua
erga genus humanum clementiâ, multis revelavit: remedia ido-
nea suppeditavit: idem etiam mihi, ut illa ipsa ad exoptatum sco-
pum & hoc in casu, aliisq; quam plurimis, ad nominis sui glori-
am, & proximi salutem impendere possem, largiatur: etenim

Ni DEUS affuerit, viresq; infuderit herbis,
Quid, rogo, dictamnus, quid panacæa juvent?

T A N T U M.

Clariss.

Clarissimo & Doctissimo

DN. M. BARTHOLOMÆO TOBIÆ SEIBTIO,

Med. Cand. dignissimo, Amico suo mellitissimo,

S. P. D.

MICHAEL DJZEMANN / Dresd.

Phil. & J. U. D.

ET si quidem hoc tempore & hisce terrarum locis multis curis domesticis, aliorumq; hominum negotiis peragendis undiquaq; me implicitum esse sentiam: ut vix respirare possem: tamen cum hisce diebus docta tua disputatio de Arthritide Medicis Cordatis omnibus maximoperè scandalosâ mihi ad manus veniret: satis ex illa perspexi & Ingenii tui dexteritatem, & verborum cum ipsa re benè penitus concinnam continuationem. Quod genus scribendi etiam maximoperè ab his, quos Natura politulô & limatulô exstruxit iudiciô comendari solet. Res tamen ipsa, quantum ego conicere possum, nondum eò rediit: ut genuinæ hujus mali causæ albo potuerint, ut vulgò dicitur, depingi lapillô: etsi de his in foro Medicorum multum & diu discrepatum fuerit. Unde enim tot diversæ opiniones Valesci de Tarâta, Caroli Pisonis, Antonii Gvainerii, Ambrosii Paræi, aliorumq; virorû, qui mihi testes hujus rei esse possunt omni exceptione majores? Ut ideo omninò felix terq; quaterq; sit.

— — Qui potuit rerum cognoscere causas.
Et hoc est, de quo suo jam tempore conqvestus est Vates ille Sulmonensis:

Tollere nodosum nescit medicina podagram.
Interim tamen esto bono animô & forti, & ut facis bonæ spei plenus, te in hac re tam ardua & difficili Virum præsta. Ita enim futurum est: ut & DEO & Proximo aliquando possis inservire: & exinde fructibus omni melle & saccharo dulcioribus tibi liceat frui. Vale. Raptim Lugd. Batav. XXX. Junii,
A. O. R. M. DC. LXXXI.



